



Broj: 01-04-1273/25-AP-2

Datum: 20.6.2025.. godine

ZAPISNIK (I Z V O D)

sa 2. Tematske sjednice Gradskog vijeća Zavidovići koja je održana, dana 12.06.2025. godine (četvrtak) sa početkom u 16:00 sati u prostorijama Kulturno-sportskog centra Zavidovići.

Sjednici Gradskog vijeća prisustvovalo 29 vijećnika: Avdičević Zahid, Bašić Mirela, Buljubašić Demir, Ćosić Omer, Dendić Sanela, Delić Elvira, Džindo Asim, Fejzić Rijad, Fojnica Admir, Hadžić Amira, Huskić Elvedin, Huskić Hasib, Hodžić Haris, Ikanović Dževad, Jalmanović Sanel, Javrić Bajro, Jupić Amra, Karajbić Anes, Indira Halilčević, Pašić Indira, Polić Ajdin, Sinanović Asim, Sinanović Azra, Skejić Šemsudin, Šimšić Igor, Tursić Amir.

16:10 sati – sjednici se priključio vijećnik Amer Avdičević

16:30 sati – sjednici se priključio vijećnik Semir Šehić

17:00 sati - sjednici se priključio vijećnik Amir Mehić.

Ostali prisutni: Sekretar Gradskog organa državne službe – Nermin Čahtarević, Pomoćnik gradonačelnice Službe za upravljanje društvenih djelatnosti, pitanja boraca i opću upravu – Idriz Alihodžić, Irnes Avdić- Stručni saradnik za informatiku, poslove administratora i računarske mreže, Erna Merdić Smailhodžić – Gradonačelnica, Selma Džaferović – viši stručni saradnik za poslove mjesnih zajednica. Predstavnici 21 mjesne zajednice u Gradu Zavidovići, Bego Avdušinović – predsjednik Komisije za poslove mjesnih zajednica.

Zapisnik i ostale administrativno-tehničke poslove obavljao Dženan Ćatić – lice na stručnom osposobljavanju.

Ispred sredstava informisanja sjednici prisustvovali: Željko Šlipogor – „Radio 1503 Zavidovići“ d.o.o. Zavidovići.

Predsjedavajuća Gradskog vijeća Amira Hadžić predlaže Dnevni red 2. Tematske sjednice Gradskog vijeća Zavidovići kako slijedi:

Dnevnired:

1. 2. Tematske sjednice Gradskog vijeća Zavidovići na temu „Mjesna samouprava“.

Predsjedavajuća daje na glasanje predloženi Dnevni red.

Nakon provedenog glasanja Predsjedavajuća konstatuje da je Prijedlog Dnevnog reda sa 27 glasova ZA, 0 PROTIV, 0 UZDRŽANIH, (odsutan: Amir Mehić, Šehić Semir) dobio potrebnu većinu te je isti usvojen.

Rad po dnevnom redu

Ad.12. Tematske sjednice Gradskog vijeća Zavidovići na temu: „Mjesna samouprava“

Uvodno izlaganje: Idriz Alihodžić, Bego Avdušinović, Selma Džaferović.

Predsjedavajuća Gradskog vijeća otvara raspravu.

U raspravi učestvuju: Zahid Avdičević, Selma Džaferović, Elvedin Huskić, Sanel Jalmanović, Idriz Alihodžić, Haris Hodžić.

Haris Hodžić traži pauzu.

Predsjedavajuća Gradskog vijeća daje pauzu u trajanju od 15 minuta.

(Pauza 15 minuta)

Nastavak rasprave.

U raspravi učestvuju: Amira Hadžić, Semir Šehić, Vahid Bečić, Amir Delić, Božo Pendić, Semir Faljić, Hasib Huskić, Admir Fojnica, Avdičević Amer, Ćosić Omer, Parlić Razim, Amra Jupić, Buljubašić Demir, Asim Džindo, Samir Skejić, Selma Džaferović.

Predsjedavajuća Gradskog vijeća zatvara raspravu po Ad.1 Tematske sjednice.

Predsjedavajuća Gradskog vijeća daje pauzu u trajanju od 15 minuta, te poziva članove Kolegija Gradskog vijeća da se povuku na usaglašavanje zaključaka u Konferencijsku salu.

(Pauza 15 minuta)

Prijedloge Zaključaka su predložili: Zahid Avdičević, Haris Hodžić u ime Kluba SDP, Hasib Huskić u ime Kluba SDA.

Predsjedavajuća Gradskog vijeća predlaže usaglašene Zaključke Kolegija Gradskog vijeća kako slijede:

Zaključci

1. Zadužuje se Gradonačelnica sa nadležnom službom da u roku 90 dana pripremi Odluku o visini i načinu isplate naknade za članove savjeta mjesnih zajednica koja će se primjenjivati u 2026. godini.

2. Gradsko vijeće Zavidovići će u buduću, prilikom razmatranja izvještaja o radu i finansijskom poslovanju mjesnih zajednica, posebno izjašnjavati o izvještaju svake mjesne zajednice.

3. Gradsko vijeće Zavidovići nalaže da se prilikom izrade prijedloga Statuta Grada Zavidovići predvidi odredba kojom će se, u slučaju prestanka mandata članu savjeta mjesne zajednice prije isteka vremena na koji je biran, dodjela mandata novom članu savjeta mjesne zajednice urediti na način da se po automatizmu dodjeljuje mandat sljedećem kandidatu sa liste naseljenog mjesta čijem je kandidatu prestao mandat, a koji je dobio najveći broj glasova nakon provedenih izbora za savjet mjesne zajednice.

4. Da se u Budžetu Grada Zavidovići za 2026. godinu planiraju sredstva za mjesečne karte za sve učenike sa vanurbanog područja Grada Zavidovići i da se poveća broj linija javnog prijevoza za vanurbana područja Grada Zavidovići.

5. Da se manji infrastrukturni projekti u mjesnim zajednicama realizuju isključivo na zahtjev i prijedlog mjesnih zajednica.

6. Zadužuje se Služba za upravu društvenih djelatnosti, pitanja boraca i opću upravu da prati i redovno informiše mjesne zajednice o raspisanim aktuelnim javnim pozivima za finansiranje projekata.

7. Definirati u Budžetu Grada Zavidovići za 2026. godinu transfer za održavanje lokalnih cesta prema mjesnim zajednicama za košenje putnog pojasa, čišćenje rigola i održavanje drugih dijelova lokalnih cesta.

8. Da se prilikom izrade Statuta Grada Zavidovići propišu razlozi za prestanak mandata članova savjeta mjesnih zajednica.

9. Zadužuju se Gradonačelnica i Služba za upravu društvenih djelatnosti, pitanja boraca i opću upravu da preduzmu aktivnosti na deblokadi računa Mjesne zajednice „Klek“ i mjesne zajednice „Lovnica“.

10. Pokrenuti inicijativu za izmjene Zakona o komunalnim djelatnostima Zeničko-dobojskog kantona radi rješavanja problematike javne rasvjete na vanurbanom području Grada Zavidovići.

11. Zaključak stupa na snagu danom donošenja, a o njegovoj realizaciji starat će se Služba za upravu društvenih djelatnosti, pitanja boraca i opću upravu i Stručna služba Gradskog vijeća Zavidovići i objaviti će se u „Službenom glasniku Grada Zavidovići“.

Predsjedavajuća otvara raspravu po zaključcima.

U raspravi učestvuju: Bez rasprave.

Predsjedavajuća daje na glasanje Prijedlog zaključaka koje je usaglasio Kolegij Gradskog vijeća.

Nakon provedenog glasanja Predsjedavajuća konstatuje da je Prijedlog zaključaka sa 27 glasova ZA, 0 glasova PROTIV, 0 glasova UZDRŽANO, dobio potrebnu većinu te je isti usvojen jednoglasno.

Sjednica zaključena u 20:03 sati.

Zapisnik sačinio:

dipl.iur. Dženan Ćatić

PREDSJEDAVAJUĆA
GRADSKOG VIJEĆA

Amira dr Hadžić, spec. radiolog